

中牟縣志

卷十一之十二

中牟縣志卷之十一

藝文志下

序

潘太常集序

明張溥太倉人翰林

史稱潘正叔著論究人道之綱裁箴懸乘輿之鑒此二文者非徒龍甲鳳毛亦其生平所以自立也元康薦亂入王鬪爭從父安仁一門罹酷正叔知幾歸掃墳墓後得封公顯職壽終鳴壁當安仁初任河陽贈詩祖道美其天姿刑戮之後樹碑記事增慟覆醢其於叔父情篤猶中郎也存沒異路榮辱天壤逃死須臾之間垂聲三王之際至今誦聞居者笑黃門之乾沒讀安身者重太常之居

中牟縣志

卷十一 藝文下

正人物短長亦懸禍福泉下黑黑烏誰雌雄即有不平能更收召魂魄抗眉爭烈哉傳長虞會定九品正叔作詩規之其為人也無詭隨其為文也無戲謔大致類然若琴有八分之書賦著琉璃之盃適文人餘韻也

張林宗先生遺詩序

王思任山陰人參政

客有馮君散木從賊中辛苦逸出持一帙偕門人范中文謁我云此中牟張林宗先生詩也予驚視之有是哉尚有古詩不亡之事乎已而知為柱史櫟園周先生所遺嗟乎林宗呼兄一字肝花肺葉血裂髓崩矣安復計及兄詩顏淵近苦徐釋近矜至吾兄林宗何等也以金自處以玉處人其愛人也如不足其敬人也寧有餘



稱之曰聖其殆庶幾曰佛曰仙不知伯仲坐所抗在何上下天數
隕國先及哲人黃流沒版以數萬萬生命之中亦復魚鼈我大生
廣生之君子且併其枕中之秘絕命之散收入龍宮吾不怨天而
怨數允集一線乃存萬世之鼎遺稿數吟實傳三百之燈允集勉
哉願各思義賈先生詔汝汝父之志也然機園先生是今之程
荀淑大梁尙有人在

題任衡周先生崇祀鄉賢序

黃

機

浙江人
尙書

間考周禮賓興三物王制命鄉論秀士升之司徒漢詔郡國舉孝
廉及賢良方正諸科先德行後文藝皆取鄉評爲辨論之本降自
唐宋後漸沿科目惟博學宏詞是尙駸駸非古論秀於鄉意矣猶

中牟縣志

卷十一

藝文下

二

幸與古相近者有崇祀鄉賢之典在凡天下郡縣建祀於學宮之
側所司歲時致祭鄉之士大夫有出處行誼卓然表見於世者例
得請於守令守令上之督學使者爰是覈其生平參之輿論然後
命有司祀之尙未失古先王風勵天下之至意焉而往往爲貴勢
所憑藉凡門庭薰灼子孫欲導揚其祖父慮無不鋪張溢美以膺
茲盛與揆之月旦或未必盡符彼篤行君子惇敘彝倫不求聞達
者或缺焉未覩見可勝歎哉以余所聞孝廉任衡周先生庶幾與
古論秀於鄉及崇祀鄉賢之典兩無愧焉先生家世開封之中牟
縣登庚午科鄉薦性至孝以二人春秋烹廬甘旨不違親存也遂
絕意仕進自養生至送死弗之有悔焉其篤於同氣也號屋購廬

以脫弟于難厚于族黨也勤恤其孤獨而經營其生死且死其後
矣其禦災捍患有功于鄉閭也出粟救荒所全活無算倡守節之
義以遏寇亂一方恃以無恐生平喜施予拯困厄爲人排難解紛
而不居其名者難更僕數迨公之卒邑中紳士父老僉謂公長者
宜祀諸鄉爰得請于當事禮成中州諸縉紳先生出公之崇祀錄
畀予一言記其事予惟君子經明行修學成而後舉于鄉及其卒
也人追思其行誼而世世祀之弗替生負榮名死存祀典咸以鄉
評爲重昔宋文信國爲童子時見學宮所祀鄉先生諸像欣然慕
之曰歿不俎豆其間非夫也其後魁天下死生一節於過廟興思
時已具追蹤古人之志然則國家礪世磨鈍與士子敦尙名教不
中牟縣志

卷十一

藝文下

三

傳

清白世其家將丕承前烈而光大其緒者正未有艾余故樂從中
州諸薦紳先生後頌颺公之行誼以風示來茲于是乎序

明南京戶部尙書張公傳

李維楨

京山人
副使

張公名孟男字元嗣中牟晶澤人也少風神秀微淹通有學識
書郭外僧寮口徑廢河白晝行旅斷絕公恒以雞鳴中夜獨往來
若百物前導者卽雨淖不塗足同舍生跡之皆大驚知當似其遠
識矣諱公之先十世有仕元爲禮部尙書者云舉進士除廣平李
官廣平燕趙之交其俗大抵情心上氣勢報仇過直輕爲姦吏善
辨文而公所摘發得情傅比中律一日可結竟大獄數十老胥吐
舌抱案拱立然而簡易寬恕居恒自省無鍛鍊周內以立聲名所
牛反縱舍不可勝計廣平人去後見思旣用治行高等徵故事徵
者詣侍御史及中丞臺辭皆有饗禮侍御史已與公爲期質明公
謁中丞就邸中治具饗公比出而侍御史公失期是夫謂旦暮給

中牟縣志

卷十一

藝文下

四

事省中居我上不屑就也中之銓曹出公丞漢中事白擢順天治
中已徙司寇尙書員外郎已徙宗伯省已徙尙璽丞治中威儀伍
伯二人朱障泥裹牡荆馬首前喝司寇郎一人青障泥宗伯郎一
人右執荆左攜胡牀而已尙璽丞與治中同而腰帶無花不得執
象笏都人爲之語曰張公三宦騶減半宦無厚橐帶花落象齒不
足繼以竹是時高文襄以輔臣攝冢宰事爲公進士舉主其夫人
公姑也隆慶初徐文貞當國與文襄共事不相能旣召用頗修郤
而險人爭實力焉取其所舉進士爲六曹郎者布之兩都臺省百
許人貨行于言罪成于手皂囊白簡如蝟如蟻矣鄉人河內武安
之屬乘宰執權震而矜之道路以目公守散曹罕交人事歲時起

居夫人則文襄置酒便坐歡燕諧謔終不及他一日詰夫人卿家尚望何爲疎我夫人對曰天下事方在公掌握不以妾故昵妾猶子猶子不敢以私請妾知免矣當爲公賀文襄笑曰卿言大佳少司寇曹公者文襄姻家與公亢志清妙外絕營競譽輯朝野標的當時謂之中州二室言其正體巍然也會先帝晏駕梓宮在殯太皇太后暨仁聖皇太后未封正醅暑俄傳上與二后三旨同下削文襄籍徒步出門操之爲己燼矣人心震駭門生故吏鳥獸散公駢馬之文襄耶入其門無人門焉者入其閨無人閨焉者文襄反袂拭面涕沾袍怖哉諸大夫遂無化我也吾不早知子生無相見死無相哭公從容慰藉曰四時之序成功者退士□□勇之甚何

中牟縣志

卷十一

藝文下

五

爲言此幸而退足致樂耳質明攜簞食與艇脯祖文襄于郊文襄下韋藩加櫪而執手臂以爲席鞍以爲几大嚼而別吾夜思子之言嘉子之行若熱之有濯也江陵執政以刑名繩下有震主之威薦紳歧意於楚或勸公數候問之公不可鄉者不昵吾戚而今親所疎乎君子比德以贊事不引黨以封己吾充位九列無職競焉卽私見執政何所置辭長安奕棋吾貫習矣俛眉承睫諾附貴勢今安在哉殷鑒不遠君無復言而江陵亦悉公不黨然不褒異公公爲丞四年遷卿卿一年遷卿卿二年遷南京太僕少卿三年考績客言江陵遇公不薄何自外公曰執政以我不阿故相見知奈何負知己言者語塞五年江陵幼受禍視文襄烈矣公名愈重二

年四遷自太僕太常大理三卿爲少司空皆在南京三年復遷
以少司空行通政使事又三年爲少司寇爲左司徒踰年爲尚書
空亦上移南司徒公之爲通政也上久不視朝中外言事多報聞
罷或留申公疏言祖宗朝日一再御門臣司日取事重大者請與
諸大臣面計可否凡臣民封事急則應時緩不過三日又摘兩事
日起數引奏者至御前承旨下之諸司陛下今八月不視朝矣四
方災異頻仍星辰繆越坤靈震動年穀不登人相食啖白骨委積
臣聞人之於天也以道受命人之於人也以言受命不若於道者
天絕之不若於言者人絕之羣臣久不見至尊進無所關其忠退
而尚書置不省覽人誰受命下閣上聳幽隔鬱滯天地否塞不亟

中牟縣志

卷十一

藝文下

六

采納施行欲以抹撥災異必不得之數也日者越人翟繩祖輩稱
故都御史李材功蔡人喜彥科輩訟故令曹世卿冤臣循舊例繫
其馬司囊篋不繼莫必其生虧損盛德臣職在喉舌責望所歸不
任欵欵之志上稍爲聽受而中貴人關說者謝絕之妄加詆謀居
一歲請張柱口覆沒信眉則頌聲作矣留都賦額半於京師有司
玩愒積逋鉅萬公請重總督糧儲之權以課殿最爲黜陟于是飛
輓繼屬歲入數倍可支七年而諸郎公權者如蟻附羶如猛獸驚
鳥之發爲量豐約均勞逸差先後遞出入金夫不便也噴有煩言
公力請病歸散髮衡門誓將終焉中外推轂舊臣以公爲首五歲
起家仍故官疏辭不允既至張相其怠而掃更其弊主者白金不

滿五萬財足兵兩月餉夏賞不與公酌緩急定期會權賢遷道
無追夏而稟賜一無所緇士不呼庚癸商不得射時收倍稱之息
府庫倉廩有贏而島寇播夷作難宮殿數災少府水衡時取給無
乏長子早世守藏吏以百金調棺殮門所從來曰美也公愀然奈
何以私喪費公帑夫仲尼之于伯魚非耶卻不受修倉席竹故取
諸司空公覈得贖銀二千建府軍左倉三厥司空不知也久而司
空嘆曰廉不爲名公之謂矣六年考績加太子少保益感奮孳孳
公家之務旣病議分水兌支倉儲及豁除虧折諸大利害伏枕具
草以是勞瘁日甚凡五乞骸骨上優詔慰留而最後病力慕史魚
尸諫爲遺疏云云屬其子上之疏行明日公卒士大夫讀其言而

志之少司徒趙公率諸僚奏公清忠大節羽儀表著宜有殊錫以
旌鴻碩上下禮官議其宜贈太子太保遣內史治喪祭有加等公
亂而失母未仕而失父深用銜卹入朝展墓諸哀端所觸涕數行
下事仲父季父如事父母所居圖史凝塵飲食衣服器用猶惡與
寒賤伍終鮮兄弟同氣之親緦之以食而非殊婚姻鄉黨施各有
差中常有以下人年位彌高不謬平昔時意申牟有加賦數十年
物力因以彫劫白當事者謂除之世人歡若更生比戶尸祝焉口
不言人短所獎拔才俊士甚衆士無知者或知而稱謝自詭曰無
有嘗讀書至克勤于國克勤于家極賞其言服之終身申子孝廉
民表有文學虛靜恬淡宅心事外人倫之勝業也

檢討冉蟬菴先生傳

張伯行 儀封人 大宗伯

冉蟬觀祖字永光號蟬菴先賢鄆國公裔世爲山東曹縣人
元一可爲中牟丞者因家焉君之高祖鼎成化丙午舉人知長清
厚遊三縣封陝西道監察御史曾祖崇儒嘉靖乙酉舉人知豐
澤保定平山三縣仕至鹽運司祖夢元例監生父佐歲貢生

勅贈徵仕郎翰林院檢討君生而靜重寡言坐立凝然有成人之
度時方勝國之末贈公從兵燹中授以章句卽能沈潛服習人

國朝文名蔚起屢爲前輩所稱年十七補博士弟子員甲午赴鄉
試時塲屋在輝之百泉書賈會集君見牙籤森列目擊心賞遂傾
囊購五經四書大全并諸大家文集不復爲應試計歸而發所購

中牟縣志

卷十一

藝文下

八

書丹黃甲乙殆忘寢食有志作者之林矣有以二十一史來售者
價重不能償謀於諸兄共購之沈酣鉤纂考辨益精博汶上貢生
深於等韻之學適遊中牟君與之講論五日盡得其傳其性敏而
力專如此雅意網羅千載不屑屑於科舉之業同學多速飛或以
君康熙二年舉鄉試第一衆始大服顧君浮沈公車幾三十年
業幾微不平學問行誼日益完粹著四書詳說遞及五經各有專
論兼採漢儒宋儒之說不苟同亦不苟異期於折衷至當每一經
必圖數年而始脫稿時論盛稱來易蕭山來知德者姚江餘派故
爲易說改立錯綜名色欲與程朱抗行君著論駁正之釋詩者類
宗小序尊毛鄭而疑朱子君校其異同參觀古今使讀者曉然知

所去取以小戴記禮原自叢雜而鄭學不純貽誤甚多未經朱子
訓釋終爲疑案於是摘鄭之失補陳之畧歷五年而書始成感已
未聞通詞博學之科郡縣交推君開府遲君一見卽入告君遂遂
久之事遂寢性蓋以往見爲非禮也京師有爲名士會者爭欲得
君爲重君力謝之司空湯潛菴先生曰冉君不入名士會此眞名
士矣嵩陽書院宋時四大書院之一今其址僅存諭德耿公逸菴
與今少宗伯景公冬賜其鼎新之延君主講席禮辭至再書幣益
恭遂赴之縣令郊迎主人授館翼日入書院與諸生講孟子一章
剖析天人分別理欲衆皆悚聽隨出天理主敬圖爲學大指二冊
頒示學者耿公梓而行之四方聞風踵至遇開講之期弟子環侍
中牟縣志

卷十一 藝文下

九

耿公亦側坐斂容以聽講畢設酒饌於疊石溪川上亭酒數行起
游巖礪薄暮而歸在嵩所爲文曰文測詩曰嵩吟學者爭爲藏弄
君平日於陽明愛其文章勲業持論頗恕至是乃謂教人無歧路
此是則彼非不可不嚴辨於是陸王之學不復假借矣辛未成進
士五策精核尤爲安溪李公所賞選翰林院庶吉士益邃於性理
之學甲戌授翰林院檢討是歲

上編試翰林每日四人分班考藝

上御西煖閣詢家世籍貫獨詳賦詩畢復問科第名次及數學之
事既退掌院學士傳

上語有氣度老成之褒於是感激知遇省察益嚴越旬日

賜宴瀛臺坊院諸臣舉至

上獨識之曰爾是河南解元也蓋以示優異也丁丑分校禮闈得
十一人皆闈修之士龔汝寬名在第二其文則會元也秋

上北征凱旋

御太和殿需恩授君徵仕郎父母皆被勅贈君捧之而泣曰

聖天子榮及臣親於願望矣遂請假歸行燎黃禮周視墓舍卽爲
嵩陽之行時耿公已下世學者寥寥君徘徊不忍去擇其才俊而
成就之是時余官京師與君交最深我儀方築請見書院延君主
教事而登封合力請還嵩君不得已東西兩赴尤以太極西銘指
示聖學脈路一時士子皆超然自得於帖括之外而我儀之嚮道

中牟縣志

卷十一

藝文下

十

者日益衆學問踐履益彬彬矣五經之外復纂孝經詳說又著陽
明疑案較之整菴後渠論辨尤爲嚴正然恐學者徒騰口說忘却
向裏功夫扁之篋笥未嘗示人也假滿補原官爲正蒙補訓四卷
越二年告歸蓋君之仕也爲晚成而遂初之賦則加速焉士大夫
尤高之歸而育士益勤好學益力時內廷方纂修五經大學士安
溪公以五經詳說上聞乙未春都御史劉公爲纂修總裁奏請內
府藏書以供採取

上諭河南冉某有五經詳說可取來參用於是使者取書去君復
始其副藏於家焉君年八十餘名益高中州大僚皆仰重之欲建
書院廣士田以君爲矜式君以疾辭疾屢愈屢發遂捐館舍成茂

十一月某日也君天性孝友痛父母之早亡也祭祖必誠必敬慕深切贈公有潛德學使者允多士之請崇祀鄉賢君心始一慰君行而五其第四兒主家事先世之產未嘗析迨兒沒而其子以在產請君笑曰我兄弟不忍分今乃叔姪分財耶率不問也君娶采氏鄉縣教諭梁公天民女有淑德事姑極孝君友教在外婦如相依篝燈紡績每至夜分遇姑病撫摩扶持進湯藥不離左右循至不起哀痛幾不欲生相夫子營喪葬皆知禮婚嫁四男二女豐儉適宜皆可法丁丑封孺人辛巳年六十四以沒持家數十年規畫井井俾君一意稽古絕無內顧之憂者孺人力也子四人誦衍以固始訓導申甲午科舉人謠衢國子生註選縣丞調衡丁酉

中牟縣志

卷十一 藝文下

十一

科舉人詮衢國子生註選州同知皆以學業繩檢自勵有名于時君生平無他嗜好深思遠紹探源理窟旁及詞章典故皆有纂輯寢饋萬卷中自號蟬菴洵不誣也被服雅素蔬水自甘苞苴竿牘不至門卽至門必委婉其詞以却之閣學巢寄齋嘗以使事迂道訪君論學析疑流連信宿念君貧甚出兼金爲贈固辭不受寄齋賢者又居林下謹嚴尙如此則操守可知矣贊曰余觀二程子及朱子在宋時道勝名高皆不免異己者之忌今檢討遭遇

古文之世侍從禁林

顧問優渥下則僚友心孛生徒誠服年踰大耋著書滿家雖不獲躋公輔以究厥施身世之交固已泰然矣至于舉案者如賓傳經

者此美當世士大夫亦往往稱道不絕也

按舊志載有六傳原不應刪然魯任二公及潘安仁叔姪均係舊錄諸史原文並非另有增減以歷代史帙昭燦古今何煩一隅之言再表揭耶惟張均二先達之傳非出史臣原編而作者亮節清心亦互相輝映謹存之而益以新傳之二

張封公家傳

陳

彝

江蘇人編修

公諱箕翔字克第先世爲閩之永定縣人九歲隨考秉勤公遊中牟遂家焉少穎異治諸經將畢以貧故不應試家世故善醫遂襲其業既成所投輒愈遇貧者則不受其謝生子二其仲鴻業先卒教鴻遠領辛亥鄉薦第一又十一年親見其成進士入詞館乃卒

中牟縣志

卷十一

藝文下

十二

年七十 封文林郎 晉贈中憲大夫粵賊之擾中牟也公偵知其魁爲廣之大埔人與永定語相通也乃操土音迎與之語諭以大義反復懇至賊爲泣曰吾亦不獲已也麾衆去所全甚衆賊既去公家乃爲不逞者所略或請鳴之官公曰風俗敝而後盜賊生吾輩當自責奈何與若等較且鳴之官將以懲莠民也而或累良民置良民於法心固不忍與莠民爲仇勢尤不可竟不問旣而鄉團事起或欲因是減徭役之意累者曰此陋規也令曰此舊規也相持數月不決公往來兩間調劑百端卒使上下不相病其後連莊會抗官之案所在多有中牟獨無公之力也公以勤苦起家有餘財輒以濟人凡邑之水旱疾疫天札以至城郭祠廟河渠之工

作莫不賴公以濟故公之子登科第鄉人莫不相賀以公行天德也
也公之曰民莫不垂涕也 年家子陳彝曰庚午歲在京師與
子時同平進相語出公行狀命為傳公之居鄉也敦厚重慎人無
聞言公之德之日再莫必視饌如生時必號泣期年猶然蓋庸行
之君子也而能饒茲鋒以保其里閭豈不異哉誠至則明生仁至
則勇生惟其心純乎為人而無毫髮之私於其閒然後能行權以
濟變措乎不大見用於世也

太學生邢公傳

張鴻遠 邑人 編修

邢公諱大學字鶴羣世居中牟城北二里許幼通經願貧以醫繼
先業而奉親罔輟甘旨既冠小阜以公儉且勤故家有宅一區至

中牟縣志

卷十一 藝文下

十三

是徙居縣城舉推以贍族有貧莫嗣者復謀家室成之初先父入
籍中牟三十餘年矣及予試眾仍錮以它籍公力爭之迺雪先君
因益重公以予弟鴻業贅于公公亦遣子同予昆弟讀癸卯三堡
河決舊民遷徙流離餓莩相屬于道公賻之慨然與先君謀出資
掩骼葬齒作館粥以給饑者全濟無算鄉里至今樂道之公以太
學生終子為翰冠縣軍入庠食餼以辛酉科拔貢官州判 贊曰
公居鄉里若錄錄無奇而性仗直敢無所欺及接言論又藹然
儒者氣莫測其學之淵委焉岸殆篤行之士邪

銘

縣令周公遺愛碑銘

明周 敘 吉水人

天子分遣廷臣遍祀天下名山大川暨古先帝王之有功德者敘賚崇祀宋諸陵由河南會府道經中牟令丞而下俱迎候者曰曰國初有縣令周姓者若等有識之者乎其在邑爲政何如衆曰是所謂吉水周築者其遺愛在人至今雖童孺亦聞知其賢俄而有父老楊約禮輩十數人履眉皓髮謁予公館前進曰往來朝使多矣乃今道及何也予應之曰公實予族祖幼時側聞其爲政之善而未得其詳故詢之爾父老曰今尚在否予曰終已十有五年矣遂皆相對嗚咽泣下者久之因嚮予歷歷道其設施撫字之術且曰吾邑前後爲令不啻數千百人自魯太師恭後卓卓著稱者選公方四五人爾累欲刻石頌公之遺愛又懼數世之遠故

中牟縣志

卷十一 藝文下

十四

老凋零後之人無復有詳其事而卒未有記之者敢以是請予再三辭不獲知縣張玟教諭李繹等又以爲言乃復之曰昔魯恭之治中牟有三異之政青史書之邑里祠之芳聲偉烈邈乎不可尙矣今公生于千載之下繼治茲邑乃克蹈芳躅俾民思慕愈久而不忘者此豈非賢與觀公之爲政也承海內初定之際下車首革奸弊立條教有王維陽之風立學興賢修舉廢墜有蜀文翁之治弛火禁以便民則放乎廉叔度之雅量去任却驢繅之受則同乎劉山陰之清操威以臨之寬以惠之使民敬之如神明戴之如父母歷五十餘年而邑之人猶追思而不置也嗚呼盛哉公字仲方晚號隨菴世爲吉之吉水人由洪武庚戌進士授侍儀使轉中牟

令居七載以政績優異擢奉議大夫同知臺州府事太祖皇帝
嘗頒示彰善錄於天下特表著之歷長樂令吉郡司訓永樂初朝
廷遴選者成治水利於蘇湖公蒞事閱九年以疾卒於官享年六
十有九其所至政教不異中牟其子弟先後列官顯要者尤衆公
家世以文學科第爲鄉郡望族從子公明歷長洲教諭從孫迪曾
孫源咸舉進士族子岐鳳今爲兵部職方員外郎則敘之父也頌
公之遺愛而并及其世者所以俾中牟之人知公之政不徒善於
其邑而其學尤有以淑諸家也若夫探公之行事達於朝以入國
史以附祀於魯公之側則有觀風者在焉安知其不有徵於斯乎
并系之以銘曰 烈烈魯公惠我中牟卓哉三異邈焉寡儔公起

中牟縣志

卷十一 藝文下

十五

承之後百千秋節躬礪行用光前休不感而畏不剛以柔照我父
子力稽服疇迪我髦士德進業修弛我火禁我安其由我不可慝
公不可賊年穀屢登野無騰螽起我呻吟化爲歌謳皇懋公績陟
佐大州彼民之慰我民之憂公今逝矣遺愛尚留敢忘公訓以展
厥尤刻石載德爰備詢諏百世之下前魯後周我民之思我思悠
悠 宣德元年

文安王公德政碑銘

陸 東 金華人 知縣

萬歷甲戌春朝詔舉旌異之典冢宰以卓異諸臣聞上心嘉悅賜
宴禮部陞辭復面諭賜金幣寶鈔蓋曠典逾百年隆萬兩朝始一
再舉內外臣工胥用救勸時中牟大夫王公實拜茲寵數邑人喜

其令被知遇又虞其召之亟治澤莫可久需也迺伐貞石圖記
以示方來惟時學博士周君大謨輩率諸士謁余文余問德政何
如周君曰廉平惠愛大夫之心也教養與罷鋤隱父良大夫之政
也余曰可悉指乎周君曰唯唯請縷陳之初大夫之蒞政也憫學
宮之敝育才之無所迺捐俸以新黌舍日省月校士彬彬興焉延
於里社咸創小學擇端師以教童子設保甲敦鄉約講武事是其
教也詳軫民之瘠則督之懇蕪田植桑棗招徠流散之民爲之蠲
逋負復丁役遺遺產不期年而歸業者幾伍百戶口且千餘其孤
獨存恤以時疾疫則鉅之藥雖繫囚咸周是其養也備邑患賈魯
河下流沒民田常數萬畝大夫爲濬坊之民迺田食戒民無淫祠

之邀福俾勸費以建橋梁者九民迺免於病涉里民眾寡或相懸
者爲之哀益適於平易排甲之奸避核豪業之詭冒嚴簿正復輕
輸還驛金之外稜者賦役迺均是其興利也博里甲縮其浮費書
手汰其宿黠詰戎正其名籍緝理嚴其漏妄驛遞稽其出納征商
書其定額往者民所疾苦大者暴客鹽禁遠戍舞文小者使役誅
求巡攔漁索時迺咸息民用寧字是其去害也鉅凡此皆大者可
指它不可以言旣總之繇大夫之心廉平惠愛以出之也陸生曰
嗟乎卓魯款款情愨德滿斯言豈虛語哉中牟古稱三國之股肱
邯鄲之肩髀宋爲國城西門衣冠往來之孔道今省右首邑繁衝
如故邯鄲畿南要區斯地猶其輔也今自邢子之後惟漢魯仲康

其最也繼美者則宋石昌言史稱仲康平理許伯等爭田皆退而
自責輟耕相讓勅亭長借牛不還者卒慚還之及蝗不入境雉止
其旁豎子不捕纔四數事昌言罷富人隸太常僥倖免役者六十
餘家止一事爾視王大夫令績孰多少哉昌言雖名治狀顧持身
辭介非大夫之擬惟仲康童年孝友學士所歸貴豪遣問餽遺堅
辭故能以德化爲理上下孚服實有似於大夫蓋魯氏世吏二千
石仲康傳其家學居官守道益培厥植故位至司徒子孫衣冠終
漢世史不絕書大夫文安世家至先中丞公益顯大夫復德政若
是名位極人臣所不必言裕後當彌昌與仲康雖顯其禔大夫受
上知宴賚論勉之異數則未如也熙朝令臣軼美前哲好善者所

中牟縣志

卷十一

藝文下

十七

願見而思企及之者故不荒陋之惜而樂書之賚賢是鑒中牟之
民其永於休哉大夫名緘字伯默別號四槐隆慶辛未進士以其
年十月視篆今考二載績云余旣述厥懿因系之銘銘曰 於赫
皇祖闢天閔黎厚生重養設教啟迷建官惟百親民曰令撫綏羣
生久安四境粵有賢令帝心攸嘉宴賚崇錫陟薦非遐憲憲令甲
曠年一舉犖犖茂臣間時載睹於穆穆宗振是義章顯允今聖率
考攸行迺勅冢宰循良物色聿惟得人寵之晉接宗伯獻酬大官
供具煌煌金帛寶膺異數式宴式班諄諄玉言爾安我黎錫爾駢
繁奕奕王侯子喬世裔尹是中牟政光鳧鳥有聞仁愛無間樂事
寵命是荷簡召時膺民之樂止憂念從之曰侯去我易仰焉

善民安休積種種我願我穀蓄流我壅我舉載遐寧又我家侯
去時馬挽其車匪石弗礪胡永厥善勿菱者棠名刻視峴德澤在
人言行出身懿此敷施運化陽春陽春化普延於九紘經綸匡國
發是山城文子告新曹侯畫一於惟來賢是稽是式

萬歷
二年

重修城隍廟碑銘

冉夢松 邑人
進士

城隍之神厥義維何蓋古者建邦設都必依山川爲固而築城設
險所以擬山鑿隍護城所以象川然莫不有神焉主之以保衛生
民捍禦寇敵功至大也稽諸往牒唐宋名賢若張說張九齡祭城
隍之文陸游城隍之記則知尊崇而奉祀之者厥惟舊哉逮我太
祖皇帝剗口元之亂崇百神之禮卽位之初立都城隍廟於京師

中牟縣志

卷十一

藝文下

十八

又命天下各立廟於府州若縣詔封其神爲監察司民之神且頒
儀注凡守令蒞任必先於神誓然後行事其祭之祝詞皆聖祖御
製讀之凜然可畏期在陰陽表裏以緩元元否者神且降之尤由
是城隍之祠視前代獨隆矣吾牟城隍廟在縣西門內威爽靈顯
遐邇欽仰舊俗相沿三月二十八日有香社賽會之享諸技畢集
歌樂喧闐邑民赴者肩摩踵接香火之氣浮於霄漢第建自國初
迄今垂二百餘年中間廢新不一至嘉靖四十二年廟復傾圮會
畝欲繕修之而難其人有道士何來化者慨然一身膺之持尺簿
跣足踵門丐施人咸樂與越十有三年勞苦萬狀羣力所萃得金
若干木若干石若干磚瓦若干釘灰若干雜糧若干財用旣充乃

召工匠以序而修理焉葺椽楹之朽者飾丹雘之脫者增葺之
未備者自正殿寢宮以及錫肩洪山土地等祠兩廊善惡報應等
像內外門墻枋扁欄檻之類同不整整又於寢宮內設牀帳供具
外塑造膳進膳之司宥有事生而規模制度視昔大改觀矣工成
來化懼泯其績置石樹碑懇余爲記余時在告家居每遇正旦必
詣廟虔拜祝延親壽仰荷陰佑洪恩欲圖荅報無由也故不敢以
不文辭而敬述爲記爰系之以銘銘曰 於赫皇祖奄有萬方稽
古正祀首重城隍建廟錫號保障金湯歷歲既遠頽字缺繕來化
重修屢易星霜梁棟巍峩金碧輝煌祈禳報賽黍稷馨香神功默
運時雨時暘災異不生兆民永康與國咸休享祀無疆

萬曆十一年

中牟縣志

卷十一 藝文下

十九

明戶部尚書贈太子太保震峯張公墓志銘

葉向高 福清人少保

余居留曹八九載所周旋最久者無如大司徒震峯張公見公敦
重樸恭慎密而練事造次不苟心歎以爲真大臣器公以乙巳歲
五疏乞歸四得溫旨勉留視事其最後旨下而公沒矣先是公嘗
補疏草示余所論皆國家大計曰老臣且去以此報國矣病革從
牀頭出函封授厥嗣孝廉使馳聞卽前草也其惓惓愛君憂國之
意發於至誠有足傷者公訃聞天子使使治葬事諭祭裏事有期
孝廉以余知公屬誌而銘之公諱孟男字元嗣別號震峯河南中
牟縣人先世諱珪者元禮部尚書十傳至繼祖繼祖娶婁生文獻

文教娶徐生公繼祖文教皆以公貴累贈太子少保南京戶部尚書
書集徐皆贈夫人公少凝重讀書僧寮每局戶靜坐吾伊終日
公與公獨否所居近蔡河廢津遠曠蕪穢雖晝日行者常凜凜
之二十八舉於鄉更三載成進士爲嘉靖乙丑授廣平府推官修
新書不多夏長黠吏作奸舞文公奏讞精明一裁以法肅然莫敢
言而大意主於平恕不欲以深文見奇常歎曰殺者所以去殺也
公中銓曹出爲漢中府同知輿論譁然自同知入爲順天
府治中自治中晉刑部員外郎改禮部自員外郎晉尚寶司丞皆

中牟縣志

卷十一 藝文下

二十一

不浹歲則以前屈故在尚寶四歲不遷則新鄭相國尼之新鄭夫
人公姑也於公爲密戚意公且暱己公自公事外無私語自歲時
謁拜夫人外無私覲新鄭語夫人曰尚寶疎我不念姑也夫人曰
姑且如此何有於公公聞之曰非所謂疎也夫朝事不及戚我不
敢以官濶公內事不及官我不敢以戚濶夫人何疎之有新鄭以
謹去危甚交遊親知皆引匿公獨周旋不避新鄭內愧嘗過公握
手流涕曰往者吾少子今忝子矣子母我怨公笑曰公何言之過
也夫能不盡於公也者是能盡於公也者江陵柄國矯新鄭之爲
公自寺丞晉其寺少卿已晉南京太僕寺少卿凡三歲三遷江陵
自謂知公公復踽踽無所暱就滿考赴闕客有道江陵意者謂公

立數謝公曰相君知我我不敢自媚於相君是乃所以報其德也
復四歲不遷江陵敗公自少卿晉其寺卿已晉太常已晉大理卿
已晉工部右侍郎皆在南自南工改北掌道改司馬凡四歲四遷
在這改歲出納抑于請權璫關說無所撓甚舉其職又疏請御門
裁答章奏語甚切至晉刑部右侍郎改戶左明年晉南京工部尚
書又明年改戶部仍南時留計匱竭軍儲不給人情擾擾公節縮
搜剔不遺餘力檢賦額見逋負日多歎曰夫郡縣之賦其轉輸於
司農者無南北一也北多輸而南多逋者北能操守令之嚴最而
南不能也誠宜重總督糧儲之權覈其舉刺以上下其衡庶人心
肅而夙弊可祛矣為疏具言之報可蓋自公受事時庾粟僅支二

中牟縣志

卷十一

藝文下

二十一

年不再歲遂有七年之蓄本之皆公畫也曹郎以差事有煩言公
劑量其宜著為契令至今遵之而董語遂騰公引疾乞歸疏四上
乃得請里居五年詔召公守故官力辭不獲乃就公既明習計事
又前所規畫章程具在申約束謹筭論令不煩而事集主藏吏言
金匱且盡無以給軍公總其贏縮而裒益之諸守令聞公在事爭
以公法至餉賴以充督儲久闕公攝事且四載勾覈精勤分毫不
私事修倉責水衡度支口任以為席竹餘羨公悉出罰鑿二千
輸進府軍倉三厥或語公何乃代司空費公曰彼此其公家耳
何歧視也及再罹浮言杜門求去猶從卧內區畫署中事如分承
兌實倉儲及豁除虧折諸款皆井井有條於是非毀譽之故絕口

正色曰吾年七十三不爲不壽官至宮保不爲不貴然其所以不
何憾爾曹何不諫也因令孝廉曰吾方納息靜坐焉其少休頃之
遂瞑爲萬歷三十四年五月二十一日其生爲嘉靖十三年二月
二十六日生平無聲色之外
喪其伯子署中進義金爲
借之嘗謂延
自勵自公之
官政既畢突憐特
外州以
德老身所
已世之不知公者或
然無所附
名此則
指
行終始一節不
幾識微之君子矣此
能佐公先公沒三十
祝出民祭側室魏
娶田女七婚袁一

中辛

卷十一

藝文下

一三二

德老身所
已世之不知公者或
然無所附
名此則
指
行終始一節不
幾識微之君子矣此
能佐公先公沒三十
祝出民祭側室魏
娶田女七婚袁一

縣應瑜舉人餘俱諸生其一尚幼孫三允元娶歐允亨娶薛允河
聘再孫女四婿監生劉興詩諸生李向陽楊勝祖指揮應襲白龍
采曾孫二曾孫女三葬於萬曆三十六年某月日墓在縣城東五
里麥邱之原孝廉卽民表有文學能世其家銘曰 仕宦何常惟
其所恒矩步以躋捷足反躋惟司徒公秉節蹈義懿親當揆遠跡
如鳳權相繼之欲公已比公也矻然毋甘其餌戚我者疏知我者
心固則淹迴其究乃利歷踐清曹周流卿寺司空納言地官正位
爲公償公也何意何避何趨誰德誰懟奉職業官匪躬盡瘁方
其持籌度支告匱悉慮以圖倉廩斯備旣去復來帝心所寄計相
是尊官秩載貳解組未能終其勞動遺疏陳情九原隕淚生也憂
公曷視我銘其幽以告羣吏

孝廉彭公墓志

國朝 冉觀祖

歲辛卯彭公舉於鄉時予始應童子試仰公鴻名如景星慶雲有
傳予所爲文得公許可者輒心自喜又數年獲交公承以遠大相
勗不見擯棄及癸卯後乃數與公晨夕周旋佩其言師其行令人
久而益服無何公卒且葬其子持狀乞予言以表諸墓予不禁愴
然以悲愀然以感也幸卯及今廿餘年耳初焉慕公繼焉識公又
繼焉從公遊未幾而弔公卒送公葬今且表公墓僅一瞬間已成

今古念居諸之遷流傷知交之零落人琴俱亡文獻無徵嗟乎嗟乎又何言哉然警欬如接懿嫺可述藝擅文苑之長操貞隱逸之列異日國史邑乘將有所採擇焉予忍不爲之表章耶公諱啟明字先日號簡文幼穎悟擅神童之譽長博極羣書文多宏肆奇崛故屢試不偶晚遂簡鍊揣摩出入先輩辛卯闈中大爲主司所賞擬元數日旁有擠之者因置二十五名公車累上長安中嘖嘖以商宮一座待公辛丑僅登副選未竟公志也詩宗陶韋恬淡自適不屑爲雕飾語性質朴與物無忤生平不作詭言矯行以是人樂親就之好與後進談文手自較閱有疵類輒摘出不相掩覆一時彭門多知名士皆退隱無仕進念而且廉隅自砥不事產業一切

中牟縣志

卷十一 藝文下

二十四

貨殖請謁未嘗縈懷閉門高卧宴如也祖偉以明經仕五河廣文父見賓早背奉母張以孝聞避難河朔肩母而行母疾常跪禱湯藥必嘗公於鴈行居仲兄啟光逝養嫂胡以壽終弟啟華啟照啟華亡於亂啟照賴公教入庠公原配王氏生子翥有聲贊序女適蔡相攸繼萬氏生三女一適安殿邦一適李倫堂一適梁可大孫應捷應熊應龍俱業儒以公世德卜之其孫枝森秀正未有艾也書云惟孝友于兄弟施於有政公雖以家食老而推其學行若使服官蒞政必當不負君民輿論咸稱公爲真孝廉宗族鄉黨無間言爰爲之表曰是爲孝廉彭公簡文先生之墓

跋

義士李冠却賊事

宋韓忠彥安陽人

李氏祠以布衣處閭巷一旦遇寇盜之將至能挺身奮策使不犯我境而去一鄉之人皆賴而獲免觀乎智勇有足尚者若斯人也

義士李冠全城退賊事

蘇轍眉山人

盜將入吾邑迎以財遺之此理可以却盜使盜不受而為發吾眾必致死此理可以殺盜然倉猝時或荒亂不暇及此李氏祖真智者耶然非有孝子慈孫孰為信於六世之後者耶元祐七年二月

中牟縣志

卷十一 藝文下

二十五

九日門下侍郎眉山蘇轍題

箴

乘輿箴 為著作郎時作

晉潘尼邑人太常卿

易稱有天地然後有人倫有父子然後有君臣傳曰大哉天地其次君臣然則君臣父子之道天地人倫之本未有以先之者也故天生蒸民而樹之君使司牧之將以導羣生之性而理萬物之情豈以寵一人之身極無量之欲如斯而已哉夫古之為君者無欲而至公故有茅茨土階之儉而後之為君者有欲而自利故有瑤臺瓊室之侈無欲者天下共推之有欲者天下共爭之推之之極雖禪代猶脫履爭之之極雖劫殺而不避故曰天下非一人之天

下乃天下之天下安可求而得辭而已者乎夫修諸己而後
出乎邇而見乎遠者言行之謂也故人主所患莫甚於不以其
而所美莫美於好聞其過若有君於此而曰予必無過唯其言而
莫之違斯孔子所謂其庶幾乎一言而喪國者也蓋君子之過如
日月之食過也人皆見之更也人皆仰之雖以堯舜湯武之盛必
有諍謏之木敢諫之鼓盤枝之銘無諱之史所以閑其邪僻而納
諸正道其自維持如此之備故箴規之興將以補過教闕然猶依
違諷喻使言之者無罪聞之者足以自誠先儒既援古義舉內外
之殊而高祖亦序六官論成敗之要義正辭約又盡善矣自虞人
箴以至於百官非唯規其所司誠欲人主斟酌其得失焉春秋傳

中牟縣志

卷十一 藝文下

二十六

曰命百官箴王闕則亦天子之事也尼以爲王者膺受命之期當
神器之運總萬幾而撫四海簡羣才而審所授孜孜於得人汲汲
於聞過雖廷爭面折猶將所請而求焉至於箴規諫之類者曷爲
獨闕之哉是以不量其學陋思淺因負擔之餘嘗試撰而述之不
敢斥至尊之號故以乘輿目篇蓋帝王之事至大而古今之變至
衆文繁而義詭意局而辭野將欲希企前賢髮髯崇軌警猶邱垤
之望華岱恒星之繫日月也其不逮明矣頌曰 元元遂初芒芒
太始清濁同流元黃錯峙上下弗形尊卑靡紀赫胥悠哉大庭尚
矣皇極啟建兩儀旣分彝倫永序萬邦已紛國事明王家奉嚴
各有攸尊德用不勤義農已降暨於夏殷或禪或傳乃質乃文

上無名下知有之仁義不存而人歸孝慈無爲無執何欲何思
信之薄禮刑實滋旣譽旣畏以侮以欺作誓作盟而人始叛疑
煌煌夫出其言善則千里是應而莫余違亦喪邦有微樞機之動
式以廢興殷鑒不遠若之何勿徵且厚味腊毒豐屋生災辛作瓊
室而夏興瑤臺糟邱酒池象箸玉杯厥肴伊何龍肝豹胎惟此哲
婦職爲亂階殷用喪師夏亦不愜是以帝堯在位茅茨不翦周文
日昃昧且不顯夫德輶如毛而或舉之者鮮故湯有慙德武未盡
善下世道衰末俗化淺耽樂逸遊荒淫沈湎不式古訓而好是佞
辯不遵王路而覆車是踐成敗之效載在先典匪唯陵夷厥世用

中牟縣志

卷十一

藝文下

二十七

殄故曰樹君如之何將人是司牧視之猶傷而知其寒燠故能撫
之斯柔而敦之斯睦無遠不懷靡思不服夫豈厭縱一人而玩其
耳目內迷聲色外荒馳逐不修政事而終於顛覆昔唐氏授舜舜
亦命禹受終納祖丕承天序放桀惟湯剋殷伊武故禪代非一姓
社稷無常主四嶽三塗九州之阻彭蠡洞庭殷商之旅虞夏之隆
非由尺土而紂之百克卒於絕緒故王者無親唯在擇人傾蓋惟
蒼白首乃新望由釣夫伊起有莘負鼎鼓刀而謀合聖神夫豈藉
官左右而取介近臣蓋有國有家者莫云我聰或此面從莫謂我
智聽受未易甘言美疢尠不爲累由夷逃寵遠於脫屣奈何人主
位極則侈知人則哲惟帝所難唐朝旣恭四族作奸周室旣隆而

治已非君莫安故書美康哉而易貴金蘭有皇司國敢告納言

頌

釋奠頌 爲太子舍人作

潘尼

元康元年冬十二月上以皇太子富於春秋而人道之始莫先於
孝博初命講孝經於崇政殿實應天縱生知之量微言與義發自
至問業終而體達至三年春閏月將有事於上庠釋奠於先師禮
也越二十四日丙申侍祠者既齊輿駕次於太學太傅在前少傅
在後恂恂乎宏保訓之道官臣畢從三率備衛濟濟乎肅翼贊之
敬乃掃壇爲殿懸幕爲宮夫子位於西序顏回侍於北墉宗伯掌

中牟縣志

卷十

藝文下

二十八

禮司儀辨位二學儒官縉紳先生之徒垂纓佩玉規行矩步者皆
端委而陪於堂下以待執事之命設樽篚於兩楹之間陳饗洗於
阼階之左几筵既布鐘懸既列我后乃躬拜俯之勤資在三之義
謙光之美彌劭闕里之教克崇穆穆焉邕邕焉真先王之徽典不
刊之美業允不可替已於是牲饌之事既終享獻之禮已畢釋元
衣御春服弛齋禁反故式天子乃命內外羣司百辟卿士藩王三
事至於學徒國子咸來觀禮我后皆延而與之燕金石簫管之音
八佾六代之舞鏗鏘闐闐般辟俛仰可以澄神滌欲移風易俗者
罔不畢奏抑淫哇屏鄭衛遠佞邪釋巧辯是日也人無智愚路無
遠邇離鄉越國扶老攜幼不期而俱萃皆延頸以視傾耳以聽希

川昔在周興王化之始曰文曰武時惟世子今我皇儲濟聖通靈
維恩重光於穆不已於穆伊何思文哲后媚茲一人實副元首孝
洽家邦光照九有純嘏自晉永世昌阜微微下臣過充近侍猥瀛
風雲鸞龍是廁身藻芳流日玩盛事竭誠作頌祇詠聖志

蠲漕頌 并序

國朝 冉觀祖

皇上御極之三十年四方無虞兵革不用躬尚節儉物力贏餘於
是帑金時出宿逋肆赦自今年以及明歲正賦率多蠲免
恩膏最渥乃猶

軫念頻年漕輓竭東南之民力乘此國用饒裕可概行蠲免令其
少寬而以儲蓄宜豫又不可歲無所入因按年分省蠲此徵彼期

中牟縣志

卷十一 藝文下

三十

不數年無不徧及下既蒙庥上復有備法至善也是舉也民鮮籲
天之聲臣無封事之奏而

皇上於深宮之中惻然興念行之不疑是知我

皇上無時不念周民瘼而芸芸蒼生無一不涵育於

聖度內也本之以仁斷之以義

聖德高深誠難名狀愚氓感戴徒有懽忻鼓舞而已小臣叨與文
史之末躬逢盛事不能自已敬獻頌章頌曰

帝光格被景運聿隆海宇雷誦戢戈橐弓度支不匱太倉粟紅家
給人足猶厯

宸衷謙以持滿儉以處豐爲蠲爲賑膏澤無窮惟此漕粟東南之

輸歲有定額軍國攸須舟連於水車接於途誼固應爾急公忘私
惟

帝念哉民力曷紓無有遠邇悉爲蠲除省以歲分

皇恩均受國用無絀民財孔阜意美法良垂模可久徵諸往牒振
古未有居者蒙安加額以手行者獲息謳吟在口憶昔漢文蠲租
僅半感茲深仁江河瀾漫不謀於眾特出

宸斷溫語春回天章雲燦荆揚竟豫懽傳早徧億兆傾心永永清
晏

御書十六大字頌

冉觀祖

皇上御極之三十二年閏五月十九日

中牟縣志

卷十一

藝文下

三十一

特召翰林院諸臣晨集起居館出

御書四匾十六大字將以頌之河南開封府之禹王廟孟子遊梁
祠其二則懸之嵩嶽淮瀆二廟展示羣臣一時莫不懽忭鼓舞揚
頌之聲徹於殿陛臣生長河南銜感尤切仰繹四匾命字之義曰
功存河洛者知中州爲河洛經流祀禹以其功而凡今日之安居
粒食皆

皇上所深念也曰昌明仁義者孟子七篇仁義二字括盡大指於
遊梁首陳之而託諸空言在當時爲不遇

皇上揭仁義以示人此孟子千載後之知遇而仁義之效當收之
今日矣曰嵩高峻極靈瀆安瀾者嶽峙瀆流各受其職而其恩溥

布化宏育萬物自能與

皇仁浩蕩默相裨助也肅觀其字徑不踰二尺而有尋丈之勢
筆圓而健結體整而密隨意揮灑無補綴巵積之態信古今奇觀
也因思從來帝王功德隆盛者鮮兼藝事而我

皇上兼之萬幾之暇游心翰墨學與姿輔法以悟融於此十六字
如見周天之一宿其垂光於碧落者正未可量也昔人論王羲之
書曰龍跳天門虎卧鳳闕論徐浩書曰怒猊抉石渴驥奔泉臣雖
習聞其語未諳其妙今敬瞻十六字曠然有會焉龍跳者言其生
動而夭矯也虎卧者言其靜重而端嚴也猊之抉石言勁力之有
餘驥之奔泉言迅往而莫遏也臣知王徐二子不足擬

中牟縣志

卷十一

藝文下

三十二

御書而畧其分之相懸取其論之不謬亦於無可形容之中舉其
髣髴云爾然臣猶有私幸者是日諸臣仰瞻臣廁其末後此犬馬
齒衰蒙

恩放還優游田里更得周遊數百里間重仰四匾宛如內庭侍從
瞻望

天顏時榮感曷有已耶中州之寶重固當傳諸萬世禹孟嶽瀆之
祀典借以不墜矣臣不揣愚昧敬爲之頌曰 遐哉惟禹功存河
洛崇基遠宇於梁之郭

御書流輝羣羨且愕力運千鈞有同疏鑿

其孟子遊梁昌明仁義

天德王道一源無二廟貌聿新

宸章寵賜泰山巖巖罔敢褻視其二高高峻極禮視三公長發萬

主德宅中琳宮有赫華匾凌空如山之筆與嶽並雄其三潘岳

安瀾胥慶潤物功宏超海流正

翰墨星懸馨香鼎盛誠靡不格率職承

命其四援毫迅掃電掣風驅體兼衆妙力與韻俱一十六字數協有

虞操管若椽古帝所無館閣傳觀踴躍歡呼中州是寶萬世垂模

其五

贊

太子少保張公像贊

明李廷機

緇衣而素履圓用而方體而息深深而度凡凡與終日談無與

中牟縣志

卷十一 藝文下

三十三

與經年處無慢侈冬日趙衰春風伯子周鼎商彝不施續采璞玉
渾金不事剗削故仕若干仞之山陟則崔嵬前進則迤邐福若萬
頃之漫浩無津涯亦混無終始斯非天地之中具茨洛之區鍾粹
毓和蔚然而起者耶

賦

籍田賦

晉潘岳 邑人黃門侍郎

伊晉之四年正月丁未皇帝親率羣后籍於千畝之甸禮也於是
乃使甸師清畿野廬掃路封人墼宮掌舍設柝青壇蔚其嶽立兮
翠幘黹以雲布結崇基之靈址兮啟四塗之廣阡沃野墳腴膏壤
平砥清洛濁渠引流激水遐阡繩直邇陌如矢總轄服於縹軌兮

職分自上下下具惟命臣襲春服之萋萋兮接游車之轆轤微雲
生於輕幟纖埃起於水輪森奉璋以階列望皇軒而肅震若湛雲
之晴朝陽眾星之拱北辰也於是前驅魚麗屬車轡華闐闐河冰
參差方馴常伯陪乘太僕秉轡有妃獻種種之種司農撰播殖之
器學壺掌升降之節宮正設門閤之蹕天子乃御玉輦蔭華蓋衝
牙錚鎗綺繡繚金根照輝以炯晃兮龍驤騰驥而沛艾兮未元
於離坎飛青縞於震兌中黃華以發暉方綵紛其繁會五聲鳴鑾
九旗揚旒瓊釵入藥雲罕瞻藹簫管嘲嘈以嗽嘈兮鼓鞀磁籥以
碎磕筍虛疑以軒翥兮洪鍾越乎區外震震填填塵驚連天以幸

中牟縣志

卷十一 藝文下

三十四

乎籍田蟬冕頰以灼灼兮碧色肅其芊芊似夜光之剖荆璞兮若
茂松之依山巔也於是我皇乃降靈壇撫御勅游場染屨洪塵在
手三推而含庶人終畝貴賤以班或五或九於斯時也居靡都鄙
民無華裔長幼雜選以交集士女頌賦而咸戾被褐振裾垂髻總
髮蹠踵側肩倚裳連襪黃塵爲之四合兮陽光爲之潛翳動蒼發
音而觀者莫不怵舞乎康衢謳吟乎聖世情欣樂於昏作兮慮盡
力乎樹藝靡誰督而常勤兮莫之課而自勵躬先勞以悅使兮豈
嚴刑而猛制之哉有邑老田父或進而稱曰蓋損益隨時理有常
然高以下爲基民以食爲天正其求者謂其水善其後者慎其生
夫九土之宜弗任四人之務不一野有菜蔬之色朝靡代耕之

無儲蓄以虞災徒望歲以自必三季之衰皆此物也今聖上
不顯夕惕若慄圖匱於豐防儉於逸欽哉欽哉惟穀之恤展三
之宏務致倉廩於盈溢固堯湯之用心而存救之要術也若乃廟
祫有事祀宗諷日簋簠普淲則此之自實縮增請茅又於是乎出
黍稷馨香旨酒嘉粟宜其民和年登而神降之吉也古人有言曰
聖人之德無以加於孝乎夫孝天地之性人之所由靈也昔者明
主以孝治天下其或繼之者鮮哉希矣逮我皇晉實光斯道儀刑
於萬國愛敬盡於祖考故躬稼以供粢盛所以致孝也勸糴以
足百姓所以固本也能本而孝盛德大業至矣哉此一役也而二
美具焉不亦遠乎不亦重乎敢作頌曰 思樂旬畿薄探其茅大

中牟縣志

卷十一 藝文下

三十五

君其止言籍其農其農三推萬方以祇禱我公田實及我私我簋
斯盛我簋斯粢我倉如陵我庾如坻念茲在茲永言孝思人力普
存祝史正辭神祇攸歆逸豫無期一人有慶兆民賴之

秋興賦并序

潘岳

晉十有四年余春秋三十有二始見二毛以太尉掾兼虎賁中郎
將寓直於散騎之省高閣連雲陽景罕曜珥蟬冕而襲紈綺之士
此焉遊處僕野人也偃息不過茅屋茂林之下談話不過農夫田
父之客攝官承乏猥廁朝列夙興以寢寢寢寢寢寢寢寢寢寢寢
有江湖山藪之思於是染翰操紙慨然而賦於時秋也故以秋興
命篇其辭曰 四運忽其代序兮萬物紛以迴薄覽花蔣之時青

兮察盛衰之所託感冬索而春敷兮嗟夏茂而秋落雖末事之榮
悴兮伊人情之美惡善乎宋生之言曰悲哉秋之爲氣也蕭瑟兮
草木搖落而變衰慘慄兮若在遠行登山臨水送將歸夫送歸懷
慕徒之戀兮遠行有羈旅之憤臨川感流以歎逝兮登山懷遠而
悼近彼四感之疚心兮遭一塗而難忍嗟秋日之可哀兮諒無愁
而不盡野有歸燕隰有翔隼游氛朝興稿葉夕殞於是乃屏輕楚
纒織綺藉莞蕝御袷衣庭樹槭以灑落兮勁風戾而吹帷蟬嘒嘒
以寒吟兮雁飄飄而南飛天晃朗以彌高兮日悠揚而浸微何微
塵之短晷覺涼夜之方永月臙臙以含光兮露淒淒以凝冷熠燿
粲於階闥兮蟋蟀鳴乎軒屏聽離鴻之晨吟兮望流火之餘景宵

中牟縣志

卷十一

藝文下

三十六

耿介而不昧兮獨展轉於華省悟時歲之邁盡兮慨俛首而自省
斑鬢影以承弁兮素髮颯以垂領仰羣儁之逸軌兮攀雲漢以遊
騁登春臺之熙熙珥金貂之炯炯苟趨舍之殊塗兮庸詎識其躁
靜聞至人之休風兮齊天地於一指彼知安而忘危兮故出生而
入死行投趾於容跡兮殆不踐而獲底闕側足以及泉兮雖猴猿
而不履龜祀骨於宗祧兮思反身於綠水且斂衽以歸來兮忽投
紱以高厲耕東臯之沃壤兮輸黍稷之餘稅泉湧湍於石闕兮菊
揚芳乎崖溼深秋水之涓涓兮玩游鯈之漉漉道遙乎山川之阿
放曠乎人間之世優哉游哉聊以卒歲

傷民賦

國朝

胡宏度

大門人
邑人

中牟之災於旱潦黃河也歷十有餘載矣庚戌夏秋之災
彌月益之賈魯之水秋禾半沒廬舍亦圯人之殞於水者比比而
西郭之女且斃於牆顛沛之狀不忍見聞乃感而賦賦曰 牟州
在河之濱每患德水衰延不逮十舍版籍多於千軌其南緝獵沙
磧回抱如隄坎之復聚靡菱莫施其北鑿邑理腴腴原陞歛齷齪
以饑饉或鹵澤以涸涸廢爰爰之良相思或昧而憂悒西則新荒
於沙東則常苦於濕牟之地亦不利於民矣旱魃趁暴於先馮夷
流毒於後雨暘不時風多怒吼是復不過於天地也於是

旱澤遠敷四野濡沃興築浚之役而口藏復畱畬之賦而不錄大
事鉞斲盡起民瘼靡作祭而怔忡深感惕而力作是以管之日未

中牟縣志

卷十一

藝文下

三七

管粵逢掣曳而入於惡也胡爲悲鳴田翁牧豎復業幾何今復淫
雨爾其如注也則崩醜覆覆醜覆零二氣薄感咸益豐隆露露
皦皦雲滄自東徃颯助雪颼颼其中霏霏霖霖莫知所終連妖氛
韜紅霞阻羲和之御蒙織阿之車周一月以晷霏漲金水而咨嗟
引鷓首於鱗鰲波渚渚以無涯漂黃團於浪裏樂白水於凹窪圯
境埒以千堵沒茅茨以百家若乃吉貝歌而脫村菽蒼黠而匙茨
疑疑憂芭穉粹經滌春以沈壓秆秆杭杭稌稌糖櫛還發散乎飄颻
粉棉罔積素宮不納澗或見其捧塢難繼其消沓沙不可羹奚戒
毋噬魚不似於湍沈龜入夜而闐闐至若卷滄沙以奮激須慮長
而頻覆泣微薰於淡心葬白徒於魚腹佺節而往與流承復零露

暫息零零滴屋駢春道積塵凌裂竹崩老憊於奏乃乃銅骨而加
肉之子歸寧溘然不祿何雨之歟民較去日而壽也傷民核惜鞫
客恫悲望漉漉之不竭心翼翼以縈思出蒸庶於沈溺登王道以
想德此於廢所不及而賢宰其在茲乎

四言詩

家風詩

晉 潘岳

曾參蓬髮髮亦鬢止日祇日祇敬亦慎止靡專靡有受之父母鳴
鶴和析薪弗荷隱憂孔疚我堂靡構義方既訓家道穎穎豈敢
荒學一日三省

大業落成頌

國朝 冉覲祖

中興縣志

卷十一

藝文下

三六

蕞爾牟邑代著循良仰惟漢令偉矣仲康誰其企之見諸羹牆昔
也扶風今也高陽牟俗方頽有魂無張民聽不肅缺彼堂皇韓侯
振興若網在綱鳩屯惟勤革飛在望朴其丹堊堅其棟梁物不匱
竭民樂超踰萬年之基美政遺芳三異休風聯翩頡頏後賢有作
永範斯堂

五言古詩

金谷集作

晉 潘岳

王生和鼎實石子鎮海沂親友各言邁中心悵有違何以敘離愁
攜手遊郊畿朝發晉京陽夕次金谷湄迴瀉繁曲阻峻阪路威夷
綠池泚淡淡青柳何依依溫泉龍鱗瀾激波連珠揮前庭樹沙棠

後園植烏桲靈園繁石榴茂林列芳梨飲至臨華池遷坐登隆
立禮樂朱顏但懣杯行邊揚桴撫靈鼓簫管清且悲春榮誰不慕
歲寒良獨希投分寄石友白首同所歸

可夢縣作二首

潘岳

微身變輝變冠變嘉振在次防賢路再升上宰朝猥荷公叔舉
連階同王察長嘯歸東山擁耒耨時苗幽谷茂織葛峻巖敷榮條
落英隕林趾飛莖秀陵喬卑高亦何常升降在一朝徒恨良時泰
小人道遂消譬如野田蓬幹流隨風飄昔倦都邑游今望河朔徯
登城谷南顧凱風揚微綃洪流何浩蕩修芒鬱岩崑誰謂晉京遠
室邇身實遠誰謂邑宰輕令名患不劬人生天地間百歲孰能要

中牟縣志

卷十一

藝文下

三十九

頗如敲石火瞥若截道颺齊都無遺聲桐鄉有餘誦福謙在純約
害盈由矜驕雖無君人德視民庶不恍

日夕陰雲起登城望洪河川氣冒山嶺驚湍激巖阿歸雁映蘭時
游魚動圓波鳴蟬厲寒音時菊耀秋華引領望京室南路在伐柯
大廈緬無覲崇芒鬱嵯峨總總都邑人擾擾俗化訛依水類浮萍
寄松似懸蘿朱博糾舒慢楚風被郢邪曲達何以直託身依叢麻
黔黎竟何常政成在民和位同單父邑愧無子賤歌豈敢陋微官
但恐忝所荷

在懷縣作二首

潘岳

南陸迎修景朱明送未垂初伏啟新節隆暑方赫曦朝想慶雲興

夕遲白日移揮汗辭中宇登城臨清池涼颺自遠集
靈囿耀華果通衢列高椅瓜瓞蔓長苞薑芋紛廣畦稻栽蕭芋芋
黍苗何離離虛薄乏時用位微名日卑職役宰兩邑政績竟無施
自我違京輦四載迄于斯器非廊廟多屢出國其宜徒懷越鳥志
公戀想南枝

春秋代遷逝回運紆可喜寵辱易不驚戀本難爲思我來冰未泮
時暑忽隆熾感此還期淹歎彼年往駛登城望郊甸遊目歷朝寺
小國寡民務終日寂無事白水過庭激綠槐夾門植信美非吾土
祇覺懷歸志眷然願羣洛山川邈離異願言旋舊鄉畏此簡書忌
祇奉社稷守恪居處職司

中牟縣志

卷十一

藝文下

四十

三月三日洛水作

潘尼

晷運無窮已時逝焉可追斗酒足爲歡臨川胡獨悲暮春春服成
百草敷英蕤聊爲三日遊方駕結龍旂廊廟多豪俊都邑有豔姿
朱軒蔭蘭皋翠幙映洛湄臨崖濯素手步水褰輕衣沉鈎出比目
舉弋落雙飛羽觴乘波進素俎隨流歸

贈河陽詩

潘尼

慮生化單父子奇涖東阿桐鄉建遺烈武城播絃歌逸驥騰夷路
潛龍躍洪波湯冠步鼎鉉旣立宰三河流聲覆秋蘭摘藻豔春華
徒美天資茂豈謂人跡多

贈滎陽太守吳子仲

潘尼

大晉盛得人儲宮畜髦士吳侯降高質剖符授千里垂覆豈他鄉
廻光臨桑梓寮類感歧路黎庶思知恥老氏踰小鱗曹泰寄獄囚
無謂敝邑陋覆篲從茲起

祖道吳雍孫劉邊仲潘正叔

陸機

皇儲延髦俊多士出幽遐適值時來運與子遊承華執笏崇賢內
振綱曆城阿畢劉贊文武潛生蒞邦家感別懷遠人願言歎以嗟

夕次國田居

唐祖詠

前路入鄭郊尚經百餘里馬煩時欲歇客歸程未已落日桑柘陰
遙林烟火起西還不遑宿中夜渡京水

懷中牟張林宗孝廉

明徐爌
閩縣人

中牟縣志

卷十一 藝文下

四十一

驅馬出京邑遊子思故鄉秋氣正蕭瑟白露為青霜言念同心人
送我河之梁中懷轉於邑別緒重慘傷洛城遠迢遞閩海何蒼茫
睽離歷年歲隔越成參商寒蟲倏夜語哀雁方南翔感此不能寐
鬱鬱煎愁腸國田在何許萬里徒相望

哀李烈婦王氏

莫舜驥
山陰人
邑丞

草木有枯菀不改惟青松婦節松堪比衾穴矢相從王民生田舍
貞淑性所鍾歸李操井曰北堂足朝齋儘田敬如賓遠躡古人蹤
鸞鏡忽分張茹蘗稱未亡鵲啼春月破雁唳秋夜長殘燈照孤影
黯焉神慘傷阿姑利多金逼媒議嫁婦棄之爰貪餌往想反受搶
冒雨歸其室長號繼彼蒼抱兒淚涓涓死別誰復憐引刀恨不死

深夜赴井泉吁嗟紅顏婦義不負所天執玉懼微玷殞身求自全
身死心不沒名與山河傳

挽劉烈婦姚氏

國朝 胡宏度

吁嗟姚氏女伉儷事劉郎日奉姑嫜孝事親并日良賢勞聞閭里
信和叶鸞鳳兩載恩情洽一朝夫婿亡胸橫愁百結淚滴血千行
嗚呼恨影衣身盡離裳風吹連理木雨斷九迴腸賦性同金石
情願向攬梁冥中歡會杳墓側挽歌長皎皎清秋月凄凄午夜霜
飄然無異志逝矣有餘芳我欲標貞烈吟成轉可傷

列子祠

桑調元 浙江人

我生亦好遊獨往意汗漫先生口性熟脫棄陳跡踐官粟不妻子

中牟縣志

卷十一 藝文下

四十二

野屨只里閑言類接輿狂形異琴張慢窮老隱深霧元豹無人見
圃外度靈風拂水冷然善

辛母朱孺人節孝詩

婁 光 原武人

兩間無節義奚以振綱常天上無旌表誰知濟德光帷茲松柏樹
姓字有餘芳生死何難易苦甘詎較量賢哉辛母節守義稱未亡
誓水生前矢茹蘖苦備嘗為難不為易願期九原償堂上頭已白
藐孤口正黃繼慈年六十起居賴扶將荻畫村邊月提撕懷義方
鹿鳴幸早達麟趾兆家祥胡為溘霜露柘捲抱慘傷辛母庶無憾
泉下慰三喪銘德詩裁錦

褒魂丹鳳翔我來一薦藻壺範仰周行歎息不能已清芬馥古香

登岳陽至中牟懷臺省諸君子

明 胡纘宗

臺省翼翼臨大河諸公賞雪情若何今年瑞雪亦既足明年瑞麥
定復多錦瑟瑤琴動四筵請聽白雪房中歌一倡一酬月忽出月
光雪色流金波我來梁國春已動欲和陽春裁輕羅賞春宜與賞
雪異但願攜酒朝鳴珂賞春賞雪豈在酒且看嵩岳青嵯峨

皂角菴贈三明上人

先太保垂髫時
手植今合抱矣

張民表

皂角樹高三十尺孤踪靜倚心如石焚香禮佛話無生我願與師
數晨夕

尋潘安仁墓同徐存永張子振徐聖藻

王祚昌 涇陽人

中牟縣志

卷十一 藝文下

四十三

秋陽午過涼颺起登城野望山烟紫西郊灌木遍岡巒荒原孤塚
何纍纍爭傳墓側有安仁景悅流風若未死四人乘輿出閭闔散
步林泉尋故址寂寂村墟遺後人老叟聞名驚相指一邱隱伏傍
沙眠棘薪環列叢如蟲白楊古樹風蕭蕭栽花滿縣曾餘此落籜
疑聞蕭筆聲鸞鳳和鳴賦未已可有當年袖果姬還來孰得桃與
李才人可久是芳名千載憑弔偏自喜

庚子仲夏過中牟謁香爲宗兄明府喜邑志新成擬古頌之

吳宸誥 福建人

邑志攸關通記室納貢陳風胥吏律豫野提封最圃田新王懷古
遺稽實知君史紀足三冬上掩南狐下尉宗抵任纔將鶴眼拭中

丞已指切猶龍憲行嚴促遑瘁忌緣粉本充全義知當
番餘巨貲求購無完字以身作獻具能文秘書肉譜括方開川原
高涉隨心出人物湊繁較品分天邊驥曷長杲地下劫灰經幾
掃陵祠宮廟悉荆榛王侯將相復誰保昔有今無事孔傷昔無今
有制頌詳忠孝貞廉魂不替青猿白馬水山鄉梨棗秋風清且冽
道尋真案如鐵但秉夷齊不易心何避桓奸門戶說口口言與
相衡歛升沉品類弈時觀等君政熾應奚似頡頏魚頭子氏潘德
行文章往並勗斑管金銀仿古錄讀書之日恥書生作吏之時嘆
俗吏茲志成時神鬼驚向誰論討向誰評與圖貢賦如椎畫詩賦
諫銘感六丁閱歲甫周三百度森然珠玉駢章句總由別集彙前
中牟縣志

卷十一

藝文下

四十四

賢却乃胸中罔顧數國門懸置賞千金呂氏當年疇嗣音豈弟宏
才備虎觀多應聞望越雞林

不愧教職歌贈學博宋先生

國朝 冉觀祖

國家養士七十年煌煌功今日星懸慎選碩儒端師範本爲鸞鳳
非鷹鷂比來學校漸榛蕪名教墮弛誰仔肩饑饉游瑤逋賦積多
士劬勩廢簡編追呼頻頻胥役惡繩加士頸奮老拳繫獄加扑勢
不已士氣萎茶誠堪憐先生筮仕主牟庠考藝觀德鐸音宣目擊
時事發浩歎力噓枯槁使蕃鮮每爲貧士代完租慷慨不怪囊中
錢獄者釋兮扑者宥委曲營救總安全不作妾婦取容悅豈效青
蠅趨厚糶孤琴獨撫無與和藉齋靜攝擁寒氈自念先世清白吏

身居師席豈徒然加意培植無成害不愧教職斯為賢子余之
職載筆矢公揚善贈此篇將來採錄入史乘留與學宮百代傳

傷田家

紀壬寅河決也時家萬勝

冉覲祖

中牟從來地苦磽半是黃沙半是茅日夜勤勤輸公府豐年不辦
朝夕看今歲禾黍鬱芊芊河水突至盡成川展轉自傷還自慰爭
道河水可肥田河水日長無止期噴來黃沙沒腰肢父老曾憶前
朝事嘉靖年間似此時一十八水變為沙父子攜持歎此離哭聲
干霄不可聞九閩杳杳那得知屈指今昔無多日不謂河水復如
茲欲留已無餽口具欲去誰能一葦渡長跪合辭告河伯河伯暫
爾斂狂怒但令有路置此土付與河伯任傾注

中牟縣志

卷十一 藝文下

四十五

題黃烈婦許氏

冉覲祖

飛瓊只合瑤池住幻出銀河雙星渡雲中彩鳳羽翻垂藥餌竟作
齊眉具五載霜閨稱未亡幾回腸斷黃鶯句芳魂已逐素練颺鬱
鬱原頭連理樹

東南城上魁樓落成

許嗣衡 邑人庠生

為攬魁樓勝試作魁樓歌牟陽自昔人文地馨傳前輩掇巍科曾
有魁樓倚天立金碧輝輝映城阿一從頽廢四十年淒涼遺墟不
堪過廣川帷中漫讀書長安陌上鮮鳴珂明府吳公越之彥來臨
我牟惠政多痼瘵全甦廢皆興爰勒鳩庀及時和斧斤雷動無恒
呼瓦甍鱗集不加訶樓成上與紫極連岡陵相對鬱嵯峨多士

欲致青雲撫茲形勢奮吟哦樓乎樓乎鎮常在明府德意應不磨
五言律詩

中牟道

明彭而述 鄧州人布政使

濁流無定渡走馬逐風湍纔至河南岸始知薊北寒
隨隄楊柳禿雪苑故宮殘廿載兵戎事行人掩淚看

城上示諸文學

張民表

固是結歌邑驚傳戰伐場詩書豈灰燼劫定乃文章
宵鼓嚴聲冷春旂引勢長南陂新水長河漢接微茫

蒲蘆亭泛舟

張民表

積水盤渦滿浮舟出清遙犯星明滅眼牽浪淺深腰
費日勞茲事

中牟縣志

卷十一 藝文下

四十六

乘閒悟此宵天風秋更好須趁露波邀

細葦抽風韻團沙疊水紋鳧鷖疑對過魚鱗暗中分
舟側不容槳波生屢濺裙喧囂迷渡處昏黑坐相聞

寒水炤肝肺明星出復低未能別境外且向此城西
問圃他家有使身我意迷市林空處亦可當幽棲

主人頗稱靜客到也如閒爲有宅臨水應將臺作山
登來看杳杳涉處弄潺潺欲續滄浪詠思清好罷刪

退耕清上之田寄阮太冲

張民表

我久住清陽亭舉樹影涼友朋殊在念雞黍未能將
去子纔三舍堆書滿一牀庭柯歸自盼重約醉青裳

憩水月菴

晉淑軾

淇水人

此菴幽秀甚久矣著中牟僧意雲山靜禪心水月浮焚鑪憐萬姓
誰應想高秋何敢譚恭異攜琴且自遊

己亥夏從汴回憩水月菴

國朝沈荃 華亭人 副使

紺閣臨平野金燈照上方寺幽宜水月僧老話滄桑竹外薰風細
松間日影長熙然此暫憩身世入清涼

中牟道上

徐延壽 閩縣人

曉別廩延路行行百里程山來中嶽近水入小河清官渡曹瞞處
人烟管叔城野香吹不斷知是麥初生

昔日興亡事停鞭問水濱牛耕荒後地馬蹴戰時塵破寨曾經寇

中牟縣志

卷十一 藝文下

四十七

空村不見人文章葬黃土特為弔安仁

鄭國有原圃蒼茫一望間低田多受水積土便成山跪乳羊羣白
將雛雉子斑傳聞尼父氏曾此駐車環

汴河流不定梁苑望非遙隄決防瓠子車行載柳條客心憂道路
民力苦征徭魯令傳三異遺風似漢朝

哀李烈婦王氏

毛鳳翼 邑人 舉人

阿婆真不諒逼嫁日相侵懇交逢其怒拋兒割此心清操能自潔
正氣豈終沈蓬戶蒙旌典輝輝照古今

前題

冉觀祖

男子誰完節貞操有婦人綱常猶未墜血性此為真奪志難違眾

捐生信絕塵哀哀諫父語聞者共酸辛

婪也豈奇貨父兮利白金竟拚教子志早決狗夫心頸血誰能灑

井泉終自沈自刎不死夜復我井奉山留正氣天地一蕭森

韓父母重搆蕭蕭賦以誌喜

冉觀祖

遺愛深喬父芳烈見此亭若紋封斷石詩句帶餘馨不日徵神造

絕塵占靈雲新流隨雨足善欲問冥冥

東南城上魁樓落成

冉觀祖

雅意培風氣鳩工地効靈城高初聳碧郭近總環青影入波中水

光連天上星吾伊聲四起多士自橫經

訪官渡

桑調元

申牟縣志

卷十一

藝文下

四十六

官渡知何處蒼茫想舊城曹袁遺壘失煙雨綠蕪平大地幾龍戰

空天一鶴迎無窮家國事物外詎關情

宿水月庵

許 葵

海寧人許州牧

暝色迷前路疎鐘出梵牆嚴城魚鑰靜荒戍馬蹄忙適口依僧飯

清心愛佛香不眠支倦枕蓮漏滴更長

浩劫恒河界茫茫去未因天邊迷昨夢物外悟前身問法來支遁

參禪坐許詢預愁霜月落明發又緇塵

南征卽事

王錫命

溫縣人教諭

高下彌無際垂纜任蓬蓬盡皆沙作嶺多是路成河星散人煙少

途窮鳥跡多臨深心益窄勒馬下崇阿

游白河源發爭傳出佛潭如何成禍水不復作慈曇顏岸噴沙
已先利駿驥年年秋雨至淹沒遍牟南

縣南丈八溝其源發自新鄭出佛潭

七言律詩

曹令祠

明于謙 錢塘人尚書

魯公賢民物熙然若遂天境外遺蝗徒擾擾桑間馴雉
翻福閣風俗猶前日史傳聲華紀昔年寄語郎官勤撫字循
六跡要人傳

瑞蓮詩為中牟令郝君賦

楊滋 定興人御史

湖起紅幢種碧流風搖拂起浪沙頭一編最愛濂溪說十丈休誇
太乙舟但借古泉興八政不妨瑞氣見雙菰吾皇頒錄尋符紀先

中牟縣志

卷十一 藝文下

四十九

載人間第一休

魯公政廢郝公來喜見牟山瑞氣回綠水一灣終古在紅蕖兩朵
一枝開也知造物成神妙不是凡庸用翦裁囑爾畫工堪仔細圖
模應得奉三台

瑞蓮詩和韻

黎臣 長壽人主事

深紅淺綠滿中流忽見奇花現並頭玩賞主賓開綺席喧歌士女
隔蘭舟葉翻小大檠青蓋房老高低擁翠毬信是賢侯多異政感
徵瑞物應天休

過中牟和壁間韻

省齊 沁水人

逶迤周道偏經巡到處窮簷不見春客久也憐裘葛傲才疎敢獻

薄書幾半生蹤跡紅塵舊千里風霜白髮新滿目瘡痍成太自
車無政答蒸民

喜晤中牟令王君美用壁間韻

李廷龍

湖廣人河南布政使

鄜廷匹馬復東巡民物熙和尚似春河洛已瞻行處好風霜猶見
往來頻循良政喜中牟舊獻納才需北闕新燕楚天涯今晤語好
將經濟慰生民

觀風憶昔幾經巡草樹光依滿路春豺虎有聲隨處遁關河無限
望中頻匡時愧我傳俎久戀闕還君對策新千載明良逢盛會堯
大舜日壽斯民

赴大梁臬副任過中牟韓莊示父老

王

緘

文安人邑令

中牟縣志

卷十一

藝文下

五十

韓莊不改舊牟山攬轡重來鬢已斑父老尚能談往事兒童強欲
識衰顏未遑掛護回閭里深愧將迎滿序闌無奈遮留頻駐馬河
梁回首淚潺湲

再過中牟示士子

王

緘

十年杯酒重論文會許揮毫掃萬軍隱隱蛟龍天外見遙遙牛斗
日邊分并州故土應憐我沂水新春共喜君為問門牆舊桃李班
班玉笋已成羣

赴蜀中任過中牟飲蒲蘆亭

喬璧星

臨城人邑令

紅塵紫陌走中牟問酒尋花幾度遊地湧靈泉滋古汴天開勝景
壯皇州灘頭父老來乘興岸上兒童任詠謳却喜端陽時節近魚

竿銷口好垂鈎

題見子臺故址

劉時中

名勝相傳見子臺母投陂處脫凡胎當年靜界非常遇此地禪關
自古開水懺經翻風捲葉沙門徑僻雨生苔洞山往事今何在空
有鐘聲月伴來

題魯太師廟

歐學啟

長沙人

魯公經術漢明師為厭承明出牧時自是靈心調百順豈緣異政
見多奇山河不改當年舊今古猶同去後思愧我重來無寸補干
秋遙自憶相知

寄題中牟劉司空懷二亭

朱之臣

成都人

中牟縣志

卷十一 藝文下

五十一

黃河東走接青淮卜築河陽景最佳亭勢直爭中岳勝雲心惟有
二人懷遙瞻皓皜天盈尺秀拂芝蘭風滿階從此聲名壓阿里三
槐作頌是吾儕

送劉司空歸中牟

范良彥

虞城人

明發關心百感生故園松菊早尋盟庭餘碣石思先澤家在滄洲
薄吏情倦鳥投時秋葉下懶雲停處暮山平林深迥去人烟隔長
日不聞車馬聲

宦海勞勞鬢影疎百年風木感懷初偶因丹壑開新徑却喜青山
是舊廬石髓流雲和葉掃園蔬過雨帶經鋤高春已罷聞山犬怕
有蒲輪到隱居

虛亭遙應海潭幽大隱還從物外求
覓句偶然思夢草風懷每欲賦鳴鳩
馭回蜀道寧忘險裘敝燕臺肯再遊
雜社依稀風雅在歸雲常滿碧山頭

贈劉岐陽司寇致政歸中牟

侯 恂 商邱人

誤入風塵鬢已霜息機今始解行藏
烟霞有待身還健松菊猶存壑未荒
十畝閒居耆社近孤亭新起嘯臺旁
知君杖履盤旋處志在鳴鳩第一章

悠悠世路歎浮沉年老纔能返故林
五夜頻回清壑夢千山遙望白雲心
溪聲鳥語琴隨弄竹氣花香酒共斟
始信先廬堪歎咏豈遊何事晚抽簪

中牟縣志

卷十一

藝文下

五十二

遙指烟蘿搆此亭筠牀高卧對山屏
幾朝報主心猶熱今日由身夢已醒
樵牧相招皆勝事兒孫自課有遺經
中原回首成歸計芳草萋萋色正青

魚倦長游鳥倦飛歸心日夜向庭闈
小開水竹環精舍闕種山花當綵衣
歌入南陔腸欲斷夢來北闕事全非
家園此日秋光裏少芙蓉媚釣磯

小築初成擬六休人間竟似有蓬邱
天開嵩少雲光迴地接荆河對望取
老驥尚餘新繮恨孤鴻豈問稻梁謀
却因霜露思親淚染就丹楓萬壑秋

劉岐陽大司寇歸牟山懷二亭

孫傳庭 太原人

圃田遺墅足幽棲永慕寧堪納履遲黃水岸橫官渡北白雲山色
吹簫西晚菘早韭園蔬好古檜蒼藤隴樹齊雒社非緣娛老關春
秋霜露接樓題

冉翁載酒過勞城樓

張民表

年逾七十八慈車同里交親復近居正苦衰逢戎馬起對談與想
飯牛餘一杯魯酒情相慰幾句唐詩意亦舒公事私憂應可解便
銷劍戟作耕鋤

簡西城同事邊道見張未一

張民表

斗城西顧輔車同數轉燈光曲曲通盡漏虛驚春雁月不眠起舞
夜烏風大驪山動人驅馬官渡波搖劍宛虹何日四郊還氣象便

中牟縣志

卷十一 藝文下

五十三

將杯酒破憂忡

元夜守城作

張民表

當年燈火熏宵漏今日烽烟動野燐睥睨傾光驚斗極星河垂彩
蕩城圍袁曹雄長說官渡韓岳勲高紀汴人獨俯女墻無可說慟
思今古漫逡巡

送張子顧歸中牟

國朝

周亮工

詳符人
侍郎

白水繽紛覆汲園河干穉子淚沾巾血痕亂灑程嬰傳澆汁平流
李善身恭徹須常依高澤浮沉莫更憶江濱如予多病難重見好
慰波中望爾人

燕臺送徐存永之中牟

周亮工

一二月間相依三月長安雪更飛共歎偕行人又去心憐卽
未成歸塵沙北地羈臣夢風雨黃河客子衣莫向園田詢古事安
仁詞賦近全稀

徐孺將行不自知
遙憐別路雨絲絲
河干作客看楊柳
馬首逢人
論荔支濁酒
閑澆潘岳墓
荒城先拜魯
恭祠寒家親
串能相問爲
羈臣北雪詩

中牟對雪

金士忠 御史

誰栽玉樹向天宮
風送瑤花飛滿空
原圃不分鷗與鷺
牟山難辨
柏和松
豐年豫兆三農喜
大有休徵四海同
歲暮不辭泥淖路
征
人何日出城東

中牟縣志

卷十一 藝文下

五十四

牟山

蘇宏祖

牟峯突兀俯諸山
四顧微茫杳靄間
曉日初昇先頰色
宿雲流盡
忽蒼顏
遙村錯落青千點
古木陰森翠一鬟
神與天游時極目
御
河影裏舳艫還

白沙曉發

張學林 河陝道丹徒人

雪皜霜清月更妍
共成一色欲明天
嚴寒客正衝三九
瑞兆農應
卜十千
踏凍不知泥有辨
迎曦漸覺屋生烟
最宜僕射陂頭
望想
像瀾漫泛白蓮

吳友聖令君牟山署廳徐存永

王祚昌

雄才徐幹舊知名
同客相逢官渡城
杵臼聯交看劍紫
圖書對酒

射燈明槐涼院靜三更漏月炤衙閒一榻清漫說茂陵常帶渴
人時重故人情

牟志告成賦贈吳明府

蔡元友 蕭山人

亂餘草創費追尋探得民風感昔今天地大文雖在目山川蘊義
得於心入關相國秦中籍出宰郎官宓子琴十志會誇傳虎觀一
編新又重雞林

牟城曉望

吳彥芳 閬縣人

牟山低望一峯明幾曲河流見小清亭上蒲蘆秋水隔村邊楊柳
點烟生農驅小犢開荒坂風送寒鴉下古城父老殷勤無別語殘
黎曾苦十年兵

中牟縣志

卷十一 藝文下

五十五

謁魯公祠

吳彥芳

原圍城西拜古祠衣冠猶是漢鬚眉居民解說當年事後輩徒深
異代思豚酒筵前供伏臘雉雞桑下戲童兒先生久著循良傳何
用文章再勒碑

謁魯公祠

林繼煥

極目郊原半覆碑先生不朽獨巋祠飄飄遺範謳思永肅肅丹楹
仰止垂漢代幾更新日月牟民猶拜舊威儀卽今良牧稱慈惠知
是流風百世師

牟城秋眺有感呈吳明府

蔡元友

蒲蘆亭近小城隅水浸南天似鏡湖萬井烟銷多故壘千村人靜

半荒圖干戈欲定悲殘骨生聚初安賴碩膚有令偏能修魯績備
科不見病農夫

謁魯公祠時吳明府興重修之役

蔡元友

河廣北望古荒祠三異循良百世師草蔓桑枯馴雉在沙飛棟折
漢軍遺木冠想像非當日伏臘低徊憶昔時仰止清風誰繼美重
翰應屬後賢思

初遊蒲蘆亭同賦

韓蓋光 高陽人 邑令

構得雲簷在蓼汀湖遊招客共揚舫非從薄宦尋佳境為景前人
愛野亭曲曲新荷浮水碧遙遙嫩柳帶峯青 荷柳皆 本年植 漁歌聲送斜
陽晚遠近人家入畫屏

中牟縣志

卷十一 藝文下

五十六

次韻奉和韓年兄遊蒲蘆亭之作

韓蓋光

桃李芬芳媚野汀邀同載酒上虛舫愛茲數頃皆深水却羨中央
一草亭不盡鳶魚共玩賞無邊雲樹足丹青若非仙令重來構應
少山光作翠屏

過魯公祠

在縣西 二十里

冉觀祖

司徒名姓遠相傳拂讀殘碑識漢年階受沙侵留鳥跡像因人愛
起爐烟童嬉繡陌柔桑下雉喚夕陽古道邊民物熙熙猶未改幾
回翹首望時賢

乙卯陽月遊蒲蘆亭步韓父母韻

曹之錫 儀封人

城外霜寒草亂汀偶來縱目棹漁舫當年喬子營初地此日韓公

拓舊亭三里烟村疎樹紫十尋雉堞斷雲青
鱗魚似解遊人語
躍西山錦繡屏

東南城上魁樓落成

邊惟謙 邑人

振興文事藉循良傑構巖巖起巽方
鷗尾霞明通斗極城頭鷗擁
綸天章俯看湖水魚龍奮近接宮牆桃李芳草舍聯翩爭
藪藪琅
琅書韻逐風颺

前題

吳嘉琪 邑人

魁星應是好樓居鴻構觀成物力餘
氣擁湖心披戶近霞橫天半
則窻虛翩翩冠蓋來遊盛藉藉郊原起
頌初試向膠庠
光中夜照讀書

中牟縣志

卷十一 藝文下

五十七

前題

較尉侯 邑人

城上初標百尺樓作人雅意足千秋天
開筆陣牟山映地湧墨池
湖水流萬里風雲欄外起千家村落座
中收頻來登眺情無限看
取奎光四遠浮

謁魯公祠

孫和相

先生政蹟已遐邇
其猶聞說漢朝百世豆邊今日胙
三春花柳
昔時苗羊牛下括蓋亭長榷桷輦飛看
馴鷓嘉穀原生方寸地化
行自爾到垂髫

經潘岳墓

孫和相

當年曾擲果盈車指點荒坵一子虛
花滿河陽留治績喬遷洛

識精慮不因文網輕繫縛何至門庭痛翦除舊史謹譏趨世利
來辭賦重璠璣

輓同寅辛懋修二首

王於藩 山東人 縣丞

幾歷星霜宦海同好從砥柱憶元功三春花汛泣殘雨五夜柳隄
咽素風論定蓋棺邀

主鑒恩來旌典答臣忠幽魂憑弔知何處淚灑洪流自東

六年同事感知音磊磊聲華氣宇森大義輝揚先世澤鞠躬盡瘁

老臣心河一盛績垂星日泉下忠魂自古今芳躅猶存人已沒慘

聽流水不鳴琴

戊辰六月河決滎澤中牟適當其衝登城救護水及城腰滿

中牟縣志

卷十一 藝文下

五十八

目流亡詩以紀苦

何鼎 貴筑人 邑令

西來濁浪欲浮天浩劫重經廿五年 道光二十三年中 牟決口城鄉為墟 忽訝奇災

傳瓠子又驚巨浸沒桑田馮夷怒擁千堆雪陸海平沈萬竈烟愧

殺宰官難障手一回悵望一潸然

扁舟一葉促歸程 時牟邑三堡險工余方奉檄工次間警得小船急歸 入耳奔騰萬馬聲遍

地鴻嗷悲永夜滿天龍氣護孤城 時兩龍神降在城中 蕭蕭禾黍空墟墜惻

惻流亡半死生尚喜洪波能洗甲且消氛祲慶休兵 時河南捻匪張逆合數就

誅一律 肅清

戊辰九月放賑舟中雜詩

何鼎

千頃平蕪萬畝田重來愁見水連天村村雞犬憐今日處處

憶往年露宿尋常成澤國林棲三五是人烟商量荒政無良策滿
眼流亡媿俸錢言渡橋

斷黍殘禾壓短蓬四圍水氣接空濛船燈明滅秋風裏爨火荒涼

野寺中災民避水多在野廟高處破壘無人猶列雉水所經處寨堡多陷孤村有路只歸

鴻艱難時事逢今日愁聞桑經保障功薄莊夜泊

孤帆阻絕水中央四面洪波激混茫待食饑民憐歎口傾尊薄酒

漚愁腸空林落葉秋聲急短榻殘宵夜氣涼兩鬢霜華搔不盡年

來滅盡舊時狂小潘莊阻風

賊船銜尾繞村行岡阜陂池一片平尚有殘荷擎夜雨蔣沖一帶向多荷池

皆陷更餘衰葦戰秋聲人家近岸依魚活臨水各小村被水後皆以捕魚為生霜露

中牟縣志 卷十一 藝文下 五十九

催寒警雁鳴時天氣已寒災民無衣野哭不絕憂患事多難盡寫何如歸去學躬

耕葦塘

水轉帆回面面風所行皆平原積水無所謂上下也扁舟儼在畫圖中沙鷗影小

浮孤白野柿林深隱亂紅種麥有人爭尺土水微落鄉民爭布麥種為裂縫麥看

花無興冷秋叢時署齋菊花盛開亦不暇賞矣晴波如鏡渾無際壘塊何曾一洗

空茶菴

七言絕句

馬陵岡

唐胡曾

墜葉蕭蕭九月天驅兵獨過馬陵前路旁古木蟲書字記得將軍
破敵年

官渡

明張孟男

馬頭落日帶沙黃此是曹袁舊戰場人過斷橋頻弔古水聲嗚咽
哭興亡

食舊

張民表

食舊堂前嘉客存百壺清酒歌相喧玉杯不染黃流水却愛吾家
老瓦盆

懷中牟舊事再送存永

周亮工

圃田郭外葦蘆新艇子從人泛早春記得南陂榴苑事廿年不敢
怨風塵

蒲蘆亭

國朝 王士禛 新城人 尚書

中牟縣志

卷十一 藝文下

六十

南郭孤亭野水濱菰蒲獵獵水鱗鱗林宗未遠風流在不愧亭名
是塾巾

官渡

王士禛

別駕亡來萬事非夕陽官渡客行稀袁家新婦應惆悵賸與陳王
詠宓妃

板橋

王士禛

板橋衰柳日蕭蕭回首宣和似暮朝上巳金明池上飲畫船銜尾
駱駝橋

過中牟贈吳友聖令君

談允謙

中牟兵過未畊鋤城邑初開賦不除千古魯公三異政令從今後

不勝書

宿水月菴

張學林 丹塗人 巡道

一路銅聲送馬蹄落霞幡影綠楊西解鞵又借花宮榻心事途僧
不忍題

渠是橋樑戀稻梁祇今真作觸藩羊夢回殘月空廊白愛聽鐘魚
出短牆

宿水月菴和壁間韻

鄂順安 滿洲人 巡撫

黃塵院外逐輪蹄流水斜陽萬樹西打火敲門禪味好不須詩向
板橋題

板橋

張學林

中牟縣志

卷十一 藝文下

六十一

板橋無恙枕盤渦柳未舒條水未波行到忽教棧觸著者回五十
九經過

又過板橋

張學林

津頭又幾過征輪柳色粼粼一換新二十四番風欲盡春寧知我
我傷春

八景詩

牟山北峙

縣北 牟山

王觀生 懷慶人 訓導

尋幽數里一峯生水碧山青拱縣城佳氣鬱葱看不盡常留春色
向梁京

海潭秋月

縣內海 子橋

車陽城內海潭清秋月澄空夜自明獨倚斷橋憫高水幾處
幾經兵

龍池靈應 禱雨處在城隍廟後

園北城隈綠水澗相傳禱雨有靈淵碧翁偏念卒民苦故

澗醴泉

龍脊更樓 新內龍脊山上建聖樓

年賦賦猶似龍蟠霖雨千家活澤漫春到懶來登畫閣農桑日課

有餘歡

興國晚鐘 每夜自鳴

欲遠塵心一錫揮疎鐘風送冷漁磯兵戈何事不摧折古寺猶存

中牟縣志

卷十一 藝文下

六十二

衲子衣

魯祠晴暉 漢魯仲康祠在西關

循吏從來重魯勲牟陽三異口碑芬祇今政績誰相似喜有秦人

段使君

土山迎翠 縣南土山

荒城芳草自萋萋春日晴雲傍野谿寄語黃鸝勤織柳雙柑載酒

聽君啼

聖佛仙境 聖佛岡相傳有僧幻出一寺以留故人及期化為烏有

風傳岡上有招提青靈回看路已迷當日祇園今已矣至今蒼草

為誰萋

龍脊重樓

與興晚鐘

攬勝蟠龍脊巍巍百尺名絃歌通巷陌霄漢倚檐楹地迥千家小
天開四野清自公時眺翫民事最關情

與興晚鐘

人靜傳更漏鐘聲初動時偶聞似有擊不識出阿誰過院微風引
人宮清磬墮於今有寶地寂寞對沙彌

魯祠晴暉

廟貌儼千祀行人紛拜趨雲霞燦畫壁香藹散金鋪老樹扶疎影
巢禽次第呼仲康如可作還以庇吾徒

聖佛仙境

中牟縣志

卷十一 藝文下

六十三

當年留客處久矣失招提蒼樹遙天接黃沙小徑迷歸雲幾縷斷
飛鳥數聲啼乘興時驅馬詩囊負小奚

池靈應

不審龍何在相將禱綠波雲興忽變隼雨下已滂沱共說祥能應
祇緣天自和一邱存勝蹟父老有遺歌

土山凝翠

層崖翠欲滴偕友一登臨苔厚行無迹林疎聽有音嵐披古寺隱
沙擁大陵深歸路饒清賞牧兒犢背吟

海潭秋月

澄潭駕彩虹印月潭如空一碧水天合雙輪上下同碇聲急北楫

山勢倚河起蒼崖俯碧流臺池環近郭禾黍接平疇曹壘空遺跡

牟山北峙

隋渠不為舟廢興閱往代自古鎮中牟

牟山北峙

王祚昌

名山不在近雲霄環拱逶迤北望遙最喜畫屏相映帶嵐光午靜
見危橋

海潭秋月

月映城潭徹底清每逢秋到更光明橋餘瓦礫遊人少勝侶誰為
阮步兵

牟縣志

卷十一 藝文下

六十四

龍池靈應

瘞來圭璧共陳辭仙令誠通甘雨隨畢竟政和靈異見賢人心感
有龍池

龍脊重樓

聚沙成背起危樓烟霧騰空瑞色浮但得從今元氣復龍蟠隱隱
舊中牟

與國晚鐘

巍然梵刹聳南墉聞說當年金碧重舍利久湮頻亂後沙彌時撞
晚來鐘

魯祠晴暉

漢代傳今俎豆輝晴光猶照魯公衣漫言慈愛好來少又見笑

起式微

土山迎翠
沙隄繞郭遍青山芳樹迷離薛荔響秋霽登城頻野望賢侯新政
有餘閒

聖佛仙境

蘭若曾聞在遠岡須彌何處覓雄王即今曲水通幽徑宛是當年
鷲嶺長

龍脊重樓

飛樓鏤縵踞層巔矯首平臨尺五天一曲琴聲山盡響此中疑有

中牟縣志

卷十一 藝文下

六十五

伏龍眠

與國晚鐘

古刹應於亂後興石幢猶刻宋時經上方月出諸緣靜一院鐘聲
餉老僧

海潭秋月

一水波泓漾月清潭中不減鏡中明我來作客逢炎盡恰值秋光
到處生

魯祠晴暉

漢臣異績在中牟廟貌摧殘一像留不馬摩挲碑字古前山殘照
未曾收

土山迎翠

爽氣朝舒復暮披登樓秋整總相宜南窗高卧悠然見秀色青青亦自奇

聖佛仙境

誰云作佛不如仙爭羨招提色相妍闔盡滄桑如一夢至今猶有好名傳

龍池靈應

五風十雨有年書何事陳辭旱魃祛今日吳公多治行甘霖無處不隨車

牟山北峙

孫和相

中牟縣志

卷十一 藝文下

六十六

嵐烟鬱鬱復蒼蒼遙應七星矗水旁疑是奇峯天外落移來郭北鎮牟陽

龍脊重樓

龍脉盤旋枕雉城樓臺叠峙倍崢嶸公餘饒有登臨興琴韻悠揚對月明

聖佛仙境

如來何事結塵緣漫駐平岡作洞天色色是空空即色休將幻境憶當年

海潭秋月

潭映月明景自清秋光正喜滿牟城橫橋好接霓裳舞莫認鮫人

淚一泓

興國晚鐘

太平肇建已非新古刹猶存丈六身
遙度鐘聲明月夜夢中驚覺

悟前因

龍池靈應

曾聞當日甘霖零五色雲峯起北溟
自是

聖朝多雨露故教神物顯幽靈

魯祠晴暉

日麗風清正堪娛西郊爛熳瑞雲鋪
漢賢芳蹟今何在稚子祠前看雉雞

中牟縣志

卷十一 藝文下

六十七

土山凝翠

一帶疎林半罩苔土山繚繞勢崔嵬
無邊野綠紛如織好是鴛鴦逐影來

魯祠晴暉

辛來弼 邑人 庠生

循良祠宇近牟城佳氣葱蘢映晚晴
三異刻章邀主鑒千秋祀典答臣清
曾從虎觀陪經席更羨魚頭繼直聲
遺愛猶留庭下樹士人瞻仰拜神明

聖佛仙境

漫道天台事渺茫奇觀久羨在平陽
浮圖偶現成精舍過客俄驚到佛場
僧榻款留聊信宿人間幾度隔滄桑
回頭重認來時路漠

漠黃沙千仞岡

龍脊重樓

公廨藏山境地寬岡巒回繞似龍蟠重樓百尺臨岩起小閣三樓
過雨寒半畝蒼苔連石砌一庭空翠撲雕欄政閒應有登臨趣好
取瑤琴對月彈

輿圖晚鐘

寺鐘夜夜響鐺然萬籟無聲北斗懸漫擬老僧敲皓月潭河澗水
瀉珠泉元音自振何須擊癡夢初回欲問禪應是如來石俗真好
從覺地證青蓮

中牟縣志

卷十一 藝文下

六六

